

آبونه شرائطی : هریر ایچون
سنه لکی (۴۰۰) آلتی آیلمی
(۲۲۵) ، ممالک اجنیه ایچون
سنه لکی (۴۵۰) ، آلتی آیلمی
(۲۵۰) غروشدور .

نسخه سی ۷۰۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاتمه

اخطارات

آبونه بدلی پشیندر .

مسلكه موافق آثار مع المنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد حاکف

صاحب و مدیر
اشرف ادیب

اتبعون اهدکم سبیل الرشاد

تذکره

آدره س تبدیلیده آیریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنیه ایچون آبونه
اولانلرک آدرس لرینک
فرانسجه یازلسی رجا اولتور .

پاره کوندردلیکی زمان نهیه
داثر اولدینی بیلدیرلسی
رجا اولتور

« ۱۹۱۷ سنه سی ۲۵ اوقوبورده ، بیوک روس حکومتی ماکنه باشنه له نین ، تروچکی ورفقاسی بکرچکمز ، مملکتی کوکندن صارصدیلر ، هر طرفده قتلر ، آجاقلر ، ییغوب یاقلر ، تولوملر دوام ایتدی . مملکتی باشدن باشه تخریب ایتک ، بوتون مملکتک اقتصادی حیاتی هو ایتک ، خلقی پریشان برحاله کتیرمک ، صوک درجهده فقر و ضرورته دوشورمک ، یکریمی ملیوندن زیاده جان تلف ایتک ایچون بش سنه مدت له نینه کافی کادی . له نین بومدت ظرفنده اوقوجه مملکتی پارچه پارچه یایدی .

بر روس قلی ایچون ، روسیهده کرانهانه واریسه ، له نین هپسینی محو ایتدی . بوی تیورلک بولرک هپسینی یایدی . « له نین » یالکز روسیهی تخریب ایتدی ، بو آدمک سوءتعمایاتی بتون جهانیه سرایت ایتدی : فراسه ، انگلتره ، عموم اسلاو مملکتلری ، آمریکا ... هله آلمانیا جزاسنی بولدی ، بشقعلری تخریب ایچون حاضرلادیقی فلاکتک بوکون کندی مملکتی اوزرنده باقلل تجربه سنی کورییور ، نهایت « له نین » بولدی . روسیه مملکتی یاشاسون ... »

شوصورتله ممالک اجنبیهده منتشر روس غزته لری « له نین » ک وفاتی مناسبتیه ، مساویسنی تعداد ایدیورلر . لکن شوراسی شایان دقتدرکه بیوک وحشتلره مثال ، دائما خارجدن ، تیوردن ، شوندن بوندن آرامق طوغرو دکلدرد . روسلرک پکاعلا بیلیمسی اقتضا ایدرکه روس وحشتلری دنیاده ارتکاب ایدلن بوتون وحشت و شاعتلری قات قات کچمشدر . روس جاری ایوان غروزیابک یالکز قزان خانانی استیلاسنده دو کدیکی اسلام قانی تیوربتون مدت حیاتنده دوکمدی . « له نین » ک یالکز پترسبورغ داخلنده قتل ایدرک « نیر » نه رینه آتدینی انسان لاشه لری هفته لرجه بحر بالقیه آقدی .

مع مافی روسلرده بایدقلمرک جزاسنی بولایلر . قانون طبیعت بولایلر هر کس نه اکرسه اونو ییجز . شبهه یوقدرکه بوکره روس ملتک باشنه فلاکتی کتیرن « له نین » ک قفاسنی ده تسمیم ایدن یهودی فلسفه سی ایدی ، (قارل مارقس) تعلیماتی ایدی . شیمیدی صیره یهودیلره کلیدی ظن اولنور .

البته « له نین » ک متروکاتی تقسیم مسئله سی باشلایه جقدر . ذاتاً بوکون روسیهده رأس کارده بولنانلرک اکثریتی یهودیلر . هر نه قدر بهضاری اسملری روس اسمنه تبدیل ایتمشلر سهده روحلری خالص یهودیلر . روسلرک ایلمک حرکتده قودوز حیوانلر کی یهودیلره صالدره جقلری محققدرد . قفقاسیاده کورجیلرده ارمنیلره صالدره جقلر . شوصورتله شیمیدی « له نین » ک روحی ایچون برقان ده دوکوله جک ، انسانلر برقان دریاسنه ده بوغوله جقلردر . روسلر قانه صوصادیلر . بو انقلابلر ، یکرمنجی عصر مدنیقی سایه سنده ، نهایت « قان اویوننه » منجر اوله جق ! یکرمنجی عصر علما و سیاسیونی انسان قانیله « ادمان » باه جقلر . ضرب مدنیقی منتهای کالنه واصل اولبور !

[مابعدی قاباغک دردنجی صحیفه سنک ایکنجی ستوننده در]

شهرزاده باشی : اوقاف اسلامیة مطبعه سی

ایدن تهله کینی عینی شکله کورییور و تابعیت مسئله سنک مسلمانلره ، تونسک شخصیت سیاسیهنه ، موجودیتنه قاتل بر ضربه اولارق توصیف ایدیورلر .

تونسل دینداشلر من علمای دین مبین حضر اتنده مراجعت ایدرک « مسلمانلقله متدین اولدقلری حالده باشقه بر ملیته انتساب ایله اونک احکامنه اتباع ایدنلر حقده حکم الهی ندر ؟ » سؤالی صورمشلر و جامع الزیتونه افاضل علما نندن شیخ (احمد عباد) وردیکی جوابده دیمشدرکه :

« مسلمانقله متدین اولدینی حالده باشقه بر ملیتی قبول ایدنلر « کفر » ایتمش اولور . حق تعالی دییورکه : « ای اهل ایمان ! یهود و نصاری کندیکره ولی امر اتخاذا ایتدیکز ... اونلر بررینک ولیسیدر . اونلری ولی اتخاذا ایدن ، اونلردن اولور . » (طبری) دییورکه : « مؤمنلری بیراقوب یهود و نصاری ولی امر اتخاذا ایدن ، مسلمانلره قارشى اونلره یاردم ایدن ، اونلرک دین و ملیتی قبول ایتمش اولور . » نه جناب حق بیورییورکه : « حییم سکا کوندریان وسندن اولکی پیغمبرله کوندریلن آیاته ایمان ایتدکرینی ادعا ایدنلری کورمیورمیسک ؟ ایسته یورلرکه ایتامقله مأمور اولدقلری طاغوته مراجعتله اونک حکمنی قبول ایتسینلر . » نه جناب حق بیورییورکه : « ای اهل ایمان ! اهل کتابدن سزک دینکزی استخفاف ایدن ، دینکزی اویونچاق صانالرله کفاری اولیای امور اتخاذا ایتدیکز . اللهمذوقدیکز ، اکر مؤمن ایسه کز ! ... » بوتون بودلائل غیر مسلم برملیتی قبول ایدنک غیر مسلم اولدینی اثبات ایدیور .

کورییورکه تونسل دینداشلر منک ملیت اسلامیة ی بک بو یوک بر تهله که قارشیسنده بولونیور . تونسلیلرک حاکمیتلری زائل اولدی ، تونسلیلرک حریتی غصب ایدلدی . تونسلیلرک اراضیسی الارندن آلیندی ، نهایت تونسلیلرک قوری بر ملیتلری ، بر مسلمانلقلری قالدی ایدی . فرانسزلر بوتجاوزلری نه نهایت اوکاده اوزاتیورلر . یکرمنجی عصر مدنیتک بو مدهش ظلملری ارتکاب ایدن وجدان ملوثنه قارشى نفرتلر ، لغتلر ...

له نینک وفاتی

قومونیسستلرک رهبری ، انقلاب تهرمانی له نین وفات ایتدی . عجباً له نینک وفاتیله روسیهده قومونیزم بلیه سی دخی مندفع اوله جقمی ؟ بو سؤاله جواب ویریه بیلیمک ایچون البته شیمیدیلک زمان دهه کمدی . برهفته صوکره ، بلکه برآی صوکره احوال کندی کندینه انکشاف ایدرجکی محققدرد . بوکون ممالک اجنبیهده روسلر طرفندن انتشار ایتکده اولان غزته لر ، له نینک وفاتی مناسبتیه عموم روس فراریلرینه خطاباً بر جوق تبشیرات نشر ایتکده لردر . مطبوعات مذکوره له نین علمینده ستم کار جمله لر ایله متوقالک مساویسنی تعداد ایتکده لردر . شو جمله دن اولارق درسعادتنده منتشر « پرمس دوسوار » غزته سی ۲ شباط تاریخی نسخه سنده اوزون برباش مقاله ده شوسوزلری یازیور :